



In sabda ai 15 de merz él gnü sughé le ritorno di cuarti de finala de Copa provinzia cuntra la squadra dl Niederdorf te ciasa a La Val, che é gnüda batüda al' andata por 2 a 1 da La Val.

La squadra da La Val se cualfichëia ala semifinala cun le medemo resultat sciöche al andata. Ince sce la prestaziun dla squadra ne é nia stada tan buna co l'ultima sabda, pó i sogadus se confortè a se mosorße tla semifinala cuntra le Ritten, che à albü la miù sön le Goas.

A mët man dla partida atira é i sogadus da la val che gestësc bun le jüch, la posiziun vëgn tignida y le pal vëgn tigní tl mezcíamp avversar. Bel plan é spo ince le Niederdorf che se fej prigorius y a mez le pröm temp tomel le 1 a 0 por la squadra avversara. Sön na puniziun al limit tl'area vëgn le pal architè sò dal mür, mo chësc ti röia indô zeruch sön le pé al atacant che tira insciö sön le palo bâs dla porta y porta söa squadra in vantaje.

A purtè le resultat in parité é spo Dorigo cun n önescmetri che pënsa. La gauja é stada dl portier avversar che à gaujé n fal sön Alexander M.. Dan le sciüre dl pröm tēmp é ciamo Alexander che à albü n ocaggiun, sön n assist de Marco röiel sù dan porta mo la trata röia dlungia porta ia.

Le pröm tēmp se stlēj jö sön le resultat de 1-1

I sogadûs da La Val se stënta da sughé le pal y a mezciamp vëgn i pai de cé scialdi abinà dai avversars.

Mo impó éle de beles aziuns che garêta, i sogadus da La Val mëss a vigni moda chirí le gol de vantaje por se assicuré la pasaje dl turno.

Tl area avversara é Miky che vëgn metü a tera da n defensur y le arbiter sciüra atira le önescmetri, in chësc iade é l'indemo Micky che bat le portier. Le Niederdorf ne à nia tröp da pêrd y raforzëia sëgn l'atach y devënta prigorusc. Le portier Adrian dà ince sò contribut cun de beles parades y ti dà sigurëza ala squadra. Dan che la partida röia é ciamò Dorigo che ciafa n bel pal rebatü dal portier sön l'area di 5 metri, mo la bela trata vëgn architada sö.

Cun chësta devënta se assicurëia La Val le pasaje dl turno. La semifinala cuntra le Ritten gnarà sugada ai 23 de aurì y le ritorno ai 7 de mà.

In dumënia mët man le campionat de 3ª categoria cuntra le Sexten a La Val, daulache la squadra mëss defënn le pröm post dla tlassifica.

I resultač dles atres partides de Copa : [resultač](#)



